

ياسال آنا رشيست

(آنا رشيست قانوني)

شاعر:

روح اله چايجيان

اؤن سوز (پيشگفتار)

بوتون دونيادا شعر انتزاع و مصداق دان بير آدديم اؤنده اولدوغونا گؤره،
انساني علومدا اؤنملى يئرى وار، اونا گؤره اروپا و امريكادا هوشلو و آي كيو
يوخارى انسانلارى ادبياتا يؤنلديرير لر. شعرين اؤزلييى بودوكى بئينه قاناد وئريب
اوچوردور، امكانسىزى باشارير و ذهنلرده يئنى دونيالار آچير.

ايرانلى لارين آي كيولارينن يوخارى اولماسينين ندى شعرله ياتيب
قالخمالاردى، هر ائوين تاخجاسيندا بير شعر كتابى گؤرمك اولار و آذربايجانا
گلينجه ؛ آتالار سوزو؛ دئيملر، تمثيلر و تشبيه لر ايله، نرمال دانيشقلا اؤزلىشيب
، آرتيق شعرله ، دانيشيغى آريدماق اولمور .

بو شعر توپلوسو منيم بئين دونيامدا كئچن اولايلارى مكتوب اولاراق
سونولموش حاليمدى، اومارام دويغولاريمي سيز حورمتلى اوخوجولارا كئچيره
بيلم.

سايقىلارلا چايچيان

سونوم (تقدیم)

سونولور آنام و آتامہ کی یاشدیقلاری سورجده منی شاعرانه فضالاردا یاشادیلار

باجی اوغوم یاشارا کی؛ عشقی آسماغیلا منه بوشلوقلاریمی اؤیرتدی

حیات یولداشیم مریم؛ کی هر آن منیم قایغیلارمی کئچیب شاعرانه یاشمیما یؤن وئریر

و دوستلاریم صیاد نعیمی (ایلهان) و حمید جعفری پور جنابلارینا که اگر بونلار اولماسیدی
منیم یادیمہ کتاب یایماق دوشمزدی.

صفحه	فهرست
1.....	۱. دار آغاجی.....
2.....	۲. لیلک.....
3.....	۳. بویا.....
4.....	۴. جزا.....
5.....	۵. دونیا.....
6.....	۶. پاییز.....
7.....	۷. مراغا.....
9.....	۸. قورخاق.....
10.....	۹. گونش دارقالاری.....
11.....	۱۰. قارماشا.....
13.....	۱۱. آنارشییست.....
15.....	۱۲. هارای.....
18.....	۱۳. قوشباز.....
19.....	۱۴. آج قالاجام.....
20.....	۱۵. هؤرومجک.....
23.....	۱۶. حایات.....

- 24.....۱۷. وطن
- 25.....۱۸. توپورجک
- 26.....۱۹. ایچیمده کی اوزوم
- 27.....۲۰. لالا گولو
- 28.....۲۱. آغاچ آتیم
- 29.....۲۲. قالی داری
- 30.....۲۳. دوغوم گونو
- 31.....۲۴. تکرلر
- 32.....۲۵. ساتقین
- 33.....۲۶. شهریمیز
- 34.....۲۷. قار
- 36.....۲۸. سئومک
- 37.....۲۹. آه
- 39.....۳۰. تیر آغاجلاری
- 41.....۳۱. آرامیزدا قالسین
- 43.....۳۲. آزاده
- 46.....۳۳. اوشومک
- 47.....34. آز ادلیق

- 49.....۳۵.اوره ک
- 51.....۳۶.صيفير
- 52.....۳۷.سون اوخ
- 53.....۳۸.قارا يوخو
- 55.....۳۹.بير گول
- 57.....۴۰.ايچيم چالينيب
- 59.....۴۱.رسيم
- 60.....۴۲.قاردان آدام
- 61.....۴۳.آلاقچي
- 62.....۴۴.قارا پيشيك
- 63.....۴۵.داريخانلار
- 64.....۴۶.ايچيمده كي
- 65.....۴۷.يانليزليق
- 67.....۴۸.سن سندرومو
- 71.....۴۹.آجيدير
- 80.....۵۰.كفن
- 81.....۵۱.گؤبك
- 82.....۵۲.آزادليق يوخوسو

- 83.....۵۳.شوپه
- 84.....۵۴.دن آتان
- 85.....۵۵.سیلگی
- 86.....۵۶.سولماز
- 87.....۵۷.تبریز
- 88.....۵۸.توسباغا
- 89.....۵۹.اوچ نوقطا
- 90.....۶۰.فاشیست
- 91.....۶۱.درد
- 92.....۶۲.جاهیل شهر
- 93.....۶۳.رسام
- 94.....۶۴.اوچه گئتمه سین
- 95.....۶۵.آغ چلیک
- 96.....۶۶.قلم
- 97.....۶۷.آه ... پوف
- 98.....۶۸.سورو
- 99.....۶۹.معتاد
- 100.....۷۰.سئو گیلیم

101.....	71. تکرلر
102.....	72. عشقیله نغرت
103.....	73. قیزیل گول
104.....	74. آند اولسون سنه
105.....	75. یانلیزلیق
106.....	76. اویرتمن
107.....	77. خزل
110.....	78. سوپورگه چی
111.....	79. اوراق
113.....	80. فصیل لر
114.....	81. من
115.....	82. گوناہ
116.....	83. اولولر
119.....	84. سنی اونودوم
120.....	85. کدر
121.....	86. دوستاق
122.....	87. چن
124.....	88. قارقیش

- 125.....۸۹.یورقون
- 127.....۹۰.گمی
- 128.....۹۱. نیمکت
- 129.....۹۲. اینتچار
- 130.....۹۳. اینترنت
- 133.....۹۴. آرزیلاریم
- 134.....۹۵. رسم
- 135.....۹۶. آیریلیق
- 136.....۹۷. آذر
- 137.....۹۸. دیکتاتور
- 138.....۹۹. شیلناق
- 139.....۱۰۰. یارالی قلم
- 141.....۱۰۱. بئیم اولوپ
- 143.....۱۰۲. اولوم اولسون
- 144.....۱۰۳. دیرناق
- 145.....۱۰۴. شعریمده کی شهر
- 146.....۱۰۵. قیسیر منلیک
- 147.....۱۰۶. شاعیر یا یالتاق

148.....	107. قوقو
149.....	108. موتلولوق
150.....	۱09. اىستك لريم
152.....	۱۱0. وارليغين تورتالارى
154.....	111. شاعير ليم
155.....	112. شهيد
156.....	113. اولوم اولسون
157.....	114. دارىخما

" دار آغاجی "

دوغوم گونو منه آلینان پای

آلتون دار آغاجی ایدی

اونو سایقییلا زنجیره ووروب

بوینومدان آسدیم

سن ایسه اونا وورولوب

اوندان آسلاندىن

و من او زامان

اؤلومون اؤلومده یاشايشین گؤردوم.

2

"ليلك"

كئندلرى سو منبرلرينن نيشانلاميشديم

حاجى ليلكلر بيزدن قاباق ائو تيكميشديلر

كند اوشاقلاريندا ليلك يووالارينان تانيارديم

بو شهري خورطوملاردان زهر مارگئلندن

كوسموشم كند آدلى بير يئردن

ايلانلار سيزى سانجاقدير

من اوموشام اوشاقليريمدان

ليلكلر كوسوب مندن

هر كيمسه ده كوسمه لى دى شهر آدلى بير دوستاقدان

3

"بویا"

بویالار کورویدوم

آغ قارانین اوزمانی

آغ دامدان

آغا دوشدوم

قاراباغدان

قورا-شیرین قوپاریلدیم

داها آغین آغلیغین

قارانین قارالیغین مندن سورمایین

هر شئی قیرمیزی گؤرورم

قاداسی

قان قاقاسیدی

قانالار.

"جزا"

جزا کیلا سیندایدی دونیامیز

آغاجیز

سرویز

تک - تکیمیز اورمان ساییلیردیق

یول کسمه - میشدیک کی محارب اولاق

ساده - جه تورپاغیمیزی حیرماقلامیشدیق

بیرین قورخوتمامیشدیق

سیچانلار بیزی سیلاح چکیب لر

آتدان دوشمه میشیک, اوستن دوشموشوک

آغاجیز

سرویز

فیلانلار

بهمانلار

آمم

سرویس کامل حد اولدوق .

"دونيا"

اونون اوچون

هر شئين چالديغيني دوشونوردوم

حتى آمريكا «ذراد خان» لاريندان

اتوم بومباسى بئله چالا بيلرديم

نه بيلرديم سنين اورگيني چالماغا

ساده جه قاپينيزى چالماليپام

دونيا؟!!

"پاييز"

سون باھارنن قاللاجیدی آغاچلار

گونشلہ سئویشملرینن ایزلری

یارپاقلارین ساری ساچلاریندا سوزور ائشک لرین گونشی دئیشله مه سی

گولور وطن سیزلیک شعری

بوایلار پایلاشیر یئتیم قیزلارینا

کوچه اوشاقلارینن سیاسی شیلتاقلیغی دویونله نیر سہندہ

سہند ایکی آحینن قورا-شیرینی دیر

سہند توتوم مین سوسیال قاجیشیدی

ہمشہ کی خیش - خیش

خشابلاین قیجیقلیغینیزی شاعیرلیک پوزونتوسونا

تریب اؤلمه ییب ہلہ

دانشیر میلی باشماق

قوانق آغاچلاريندان باشلانير آذربايجان

«پئهر آووا» دان سهند

يوخسوللوق رژه گئدير چورک خاناقویروقلاريندا

گونش دوشرگه دن رصدلير رصدخانانی

بيزده اجيزا- اوروف بيغماغا «دارایی» يه يولا دوشوروک

زيندان «دارایی» ده دير

و «حاميد» بورادا

قوشاقلاری،

گویرچين لرین ديمدیک لرینده کی زيتون يارپاق لارينين ايشيغيندا گيزله نيب
لر

باريشيبيلار ديشله نيلن آلمایلا

«ياشار» تبريزده ايلک باريشيمازليغين اولوموندو

منيم ده گوئل باجيم قاجيريلماسين دئيه

آزاد- بازار بيليم يوردونا سورگون دوشموشم

شعريں باشکنديدی بوراسی مثلا

«قاراچورلو» ايزلرينه اسکورت گئديرم

بولود جمهوريتيندن باشلايير تاريخ

نه چکيميرش «قاراچورلو» کوره خانادا

«تبريز اوستو مراغا»

قويما قليبم دارالا

قوانق آغاجلاريندان باشلاير توران

هله ليك سندن من

اؤلمه ميشم هله.

"قورخاق"

سن يئتيم ليبي سئودين
 من گوژ ياشلارينا دامجى آنلامى قازانديرديم
 من اولمه ميشم متادوندا
 قيرخ آياغى وار ايپوتياميزين
 آناهيتانين آناسى اله دوشوسون
 «داود» سسى گلير مصلادان
 الله الصغيردى قورخاقلیق.

"گونش دارقالاری"

بیر ایشچی گونشین باتیمینا دالارکن

سانجیلانلار اولور

بوردا گونش دارقالاری وار.

"قارماشا"

آلاه بودوره تمه سین!

بئینیم، آداملار بئینین یانلما میش کولو

بئینیم، آداملیغین یئتیشمه میش شرابی

بئینیم، اینسانلیغین ساتقین لیق مانیفئستوسو

و اینسانلیق؛ آدملیغیمین یوخویا قالمیش بئینی

منه گلمه دوستوم!

دوشونجَم؛

دوست اورِیی داشیمیر

آچیق ایچیمیشدی منلیمین، منلییی

کیمسه ده اولمایان گوزللیک لر قویلانیب دوش لریمین مزاریندا

روحوم اوشاق دوغوب، اولمایان «روحانیت» یمده

باشماق لارینی تله سیک چکه-چکه آتیلیرام

سن گؤز تیکدین سئوگی یوللارینا

بیر چورک آلیرام شاتیردان

یئرہ تۆکه -تۆکه گئدیر، سونسوزلوق

کور اولمادی هئچ سئرچه، بیزیم اوخولدا

بوتون کیتاب لاریمی قوران ایچینده یاندیریر بازار باشیندا دوران ال آچان

ال گولو

ال چيچه يى

ال قوشو

بوتون فاحيشه لرى مسجدلرين گئيشليينه يئرلشديرير

گوۋى قورشاغيندا قيرميز اولمايان بير رنگين دادين چاليرام

«اوريمين كعبه سى» اوسته يازيرام: اولوم اولسون بوتون اؤندرلره !

منيت آلاھيم قيرجانير

اورتا دوغو قاريشير

قرمیزی قولتوقچولار سانجیلانير

عائيله و پارا تاپيناغينين كؤلگه سينده ياتان منجيك لريمى

آتيرام كئفين ايت آغزينا

كىملييىمى توضيحاتا چكىرم

بيرلشمه ين دؤولت لرين تابلوسون

میللت لر آلتينا سالماغا

بیر بالاجا گولوشه ساتيرام

«اولمسوزلوق» «نيچه» يله اؤپوشور.

"آنارشیست"

و ائی منیم منجیک لریمده بوغولان گونش دارقاسی بابام

هئچ سیستیمه اینانمادیم کی آنارشیست اولام

دئوریم گودو کچوسو قونشوموز، بیژن خان

منی توت لوطفن

ایچیمده قاریشقلیق اولور

اوچورام من

منی بیرسی یولدان چیخارتسین لوطفن

یوللار بیج گلیر گؤزمه

ایزم لر ایسه گؤت آتان

«اورشلیم»ین دالدا-بوجاقداک کی کورس لاریندان دیپلومام یوخدو کی

آلاه اکبر دوغولوموشدو بئینیم سینیرلاریندا

«گابریل»سیز بیر یالاق

کتابسیز یاشام

دردیم، ایلک تویوق یا یومورتاسی دئییل

تویوغون گونده دوغما گوندَمینه دالیرام داربخاندا

مینیک بیر اتک گیردیریرم باشیوا، پولورالیسم

سنین تَسبَّحین ده هر جای اولار بیزینن اوتورسا

زامانسيزليغيم، نامازا گلير اوزومده
 فاعيل سيز و مفعول سوز بير عشق وار بئينيمده
 مڪانسيزليغيا آليشيق
 بير دوغولماميش اولو كؤرپه
 هچ زادا اينانميرام
 حتى گؤزلريمه
 «دموكراسى» اويانشيالا كسيرم بئينيمده كى حجره لرين قليبى
 آلاله شهيد اولور منده
 و سن قاتل...

"ھارای"

قارا يول

قارا گۆز

و دوزنلى آغ جيزيقلار

من مى يول گئديرم؟

يوخسا

يوللار آياق لاريمين آلتيندان گئچير؟

ھە يادىما دوشدوم

آسكيدن من واريديم و سن منى يادىما سالماغا چاليشدين

چوخ مينتدارام

آمما آرتيق گۆزومه گۆروشمە

قورخورام يادىما دوشم

و بو كره، لىلى - مجنون هرزادينا هولاقوشارام

بلکه سنين ده...

او زامان منى جننته گۆتورمه سن

گۆتورمه

نه گۆزل

يوخ

نه گوژ

نه ال

داها دوغروسو من جننت ایسته میرم کی

منی گلدیم یئره گوٚتور

یادا

بو گوٚت لری قانادلانديرما، مانیک دئپرسيونلو شالواریوین خیاوانلاریندا

یوخسا سنده او سوژسن دئییه بیلیریم

اوزولمه اوندا شانسلی اولوردون ها

و سنین یئرینی اردبیل لی لرین سو اوغروسو آلمازدی

بلکه بیر دقیقه دئییل بیر آن سنین ایچین سسیزلیک قوساردی

...هارای- هارای

اورینه

و هر شئی سنین آدینا یازیلمازدی بو گئجه

ائله بیل قانمیرسان

بللی دیر کی قانمازیک

بلکه ده ایلک منیم دیلیمی یاساقلایان سنسن

اولان هه؟

یوخسا کیتاب گتیر

من ده مدرنیتہ یاشامادان پست مدرن مولانا اولورام

و یوللار بوشو-بوشونا یول گتتمز

جی— ی ار...

احسنت

داها گۆزؤمه گۆرشمه

من قورخورام یادیما دوشم .

" قوشباز "

گوئی لرده تانرینی آختاریردیم

قوشباز اولدوم!

"آج قالاجام"

آرى لار آنامين دوشاب لى ال لرينه باخيب

آتامين بارماق لارين سانجديلار

چارداقليداييق بيزلر

شوربانى كلاشينكفلا منه يئدير تدير مه بين آنام

ايندى، چورک ناريني سسليرم

آغازاده كوچه لرينده

و آتام، آنامين چورک قوخولو عطرينين داليجا

بارماقلارين گميرير

ومن سئوه - سئوه

آج قالاجام

"هؤرومچک"

هر سؤزجويون اورى چيرينير

هر سسين بئنى وار

اولومچک بير دودقلانمايان سسى ايله منه بير ائو توخو

گورونمز بارماقلىقلار آرسيندايام

تاوانى يالنيزليق

يئرى يئرسيزليك

بير ائو كى سولارا بوراخديغيم كاغاز گمى لرى اوردا توتام

گونشين قيزيل ساچلارى سويا توخوناندا

گوزلريمين الى قوپاريلميش تئلنده آسىلى قالا آپارتومان دالداسى

منى ايچريه گؤتور

قوشلاريم بلکه گونشه قونسون هؤرومچک

آزادليق ايچريده دير

بير آز تزه ياغيش ديميش توپراغا احتياجيم وار

آجام

من آمزيبى ترك ائتمه ميشيم كى

بوش شوشه لرین هاواسيلا ياتيرام

جين

باتوم

كلفچه

شكنجه

تاریخی اونودماق ایستیرم

گونلرین آدی قارشیسین بئینیمده

من هر گون آسلییرام

بونو گونه باخانلاردان دئیل

آیا باخانلاردان سور

منی صیفیرین لاپ دیینه

آدرسی بللی دی

اوزمو یاراتماغا قرار وئردییم یئرہ گوتور

دردلی یاشاماغا

و عصیانا

آخی بونون دوزو آز اولوب

منیم گئده جک هئچ بیر یئرہ احتیاجیم وار

آرزیسیز

بارماغیمی یوواوا سوخورام

سندن ده سس چخمیر هؤرومچک!

او زامان سن ده س ی ک د یر...

و اوریوه آلما

منیم سس، سوزجوک، سوزلوک و... بوشلوغوم وار

"حیات"

ایلک دوراغیم

یارادان آلاه

سون دوراغیم قاتیل تانری اولمایاجاق

من هچ یاشامادیم کی!!

"وطن"

اونون اييىنى آلماق اوچون

بوتون گوللرى قوخولادىم

سونوندا بير گول تاپدىم

آدى وطن

او توپراق سئو گيلى لر يىنىن بئىنىندە چىچك له نير

و دلى وورغون لارين گوزلرينده گول آچار

اونون يوواسى اوركدى

آچارى

گولله!

"توپورجک"

بیر رسیم چک اوزونده

آدینی دا یاز آلتینا

هر گون دیشاری چیخاندا

توپور اوزونه

من ده سن تکین دوستاقدان

بارماقلیقلا دالیندان

سن قاتلایان بارماقلاریملا

دوواراوسته یازیرام:

گون آیدین توپورجک!

"ایچمده کی اوزوم"

اېچىمده كى كىمسه اينجيدير منى
 بو هئىكلى هانسى اوزوم دوغرادى منه
 بيلمير م
 آنجاق چاخير تىكانى دى گوزلريم
 قولقلاريم هورومجك عاشقلا توخونوب
 ساچلاريمدا قان مارشى داراخلانير
 اوزومده چنگ حيرماغينين قيشيريلتيسى وار
 بورنومدان قان قوخسو گلير
 آما افسوس داشا باغلانميشام
 توز آلبىدى هئىكلىمى
 و هرگون اوشاقلار اوخولا گئنده
 اوستومده يازيرلار:
 اولوم اولسون سنه

"للا گولو"

آی لالا گولو

یاز گلنده

ایچ قانیمین آل شرابین

و کئغلی او دنیزدن

اوخو عشق بوشلو قدا اولماق

و تاپماقدیر، اؤزو هئچده.

"آغاچ آتيم"

آغاچ آتيم

يئيين قاچ

اوشاقلاردان هئي-هئي ائشيديب

اؤزروه قامچي يئديتمه

آغاچ آتيم

سنيين اوستونده افسانه لر ياتيب

قاچ

ساتقين زاماندير

داها چاغداش «واكسن» اوشاقلاري

تكرلي باشماق گئييب

كيشنه مكي عار بيلير لر

"قالی داری"

یئنه قالی داریندان آسیلیر گنج قیز اوغلانلاریمیز

یئنه آرزیلار ایلکم لرده یازیلیر

یئنه داخمالاردا یورقونلوق جان وئریر

یئنه کؤرپه ال لر

اله دوشولور

و بیرسی اوزاقلاردا

اویناق صندله دایانیب

«بتهوون سنفونی» لرینه

قولاق آسا - آسا

دووارلارادا آسیلان جسدیمدن

روح آلیب جانلانیرلار.

"دوغوم گونو"

قورخونو اۆزوموزده اۆلدورن گون

دوغوم گونوموزدو

ياشايشمىزا «شك» يميز اولمادو غيميز اوچون

بيزه دوغوم گونو توتمازلار.

"تکرلر"

یوللار آیاقلاریمین آلتیندان کئچیر

آددیم آتمادان ایزلریمی گؤرورم

ایکی اوزلولوک

آرaba کیمی ایکی گؤز

باشلارینین دالیندا گؤیردیب

«ساغچی»لارا فلش ووروب

سولا دؤنورلر

«سولچو»لارا قاش - گؤز آتیب

ساغا دؤنورلر

بیز اسکیک

آمما ائله بیل بیزدن اکسیک لر ده واریمیش!

"ساتقین"

ساتقین سن منی مات ائیلمه یه فیکیرله شنده

من سنی آت ائیلمه یه ده فیکیرله شمیردیم

اؤلوم زامانا اولسون

چاقدیرماغا

آغا گده لر قارشیندا

ئانیه لر کیشیندن

کئچمه لییم.

"شهریمیز"

گولوستاندان شهریمیزه باخدیم

تیکانلی تئل لر دالیندان گوردوم شهریمیزی

زینداندان شهریمیزه باخدیم

مفتیل لر دالیندا گوردوم شهریمیزی

آینادا اوزومه باخدیم

بارماقلیقلا دالیندا گوردوم اوزومو

اوزومو سیندیردیم شهریمیز آزاد اولدو!!

"قار"

قار ياغاندا هر يئره ياغير

اونوتما قار ياغاندا رويالاريميزدا ياغير

دلى خانايادا قار ياغير

شام(چام) آغاجينين آلتينا

سنى اوپودويوم يئر ده قار ياغير

دون اورا دايديم

كؤلگه نى اونوتموشدون

يئردن ييغديم

آرخايين اول

اونو بئنيميم سن گولن يئر لرينده ساخلاميشام.

آنلیمیزدا باشماق ایزی واردی ها

اورايدا قار ياغميش

ايندى بورالييام

ديشلریمی چکيب لر

منه فيرچا آل

مقنعه لی گل

بوردا نامحرم چوخدو

دوشونديووم يئره گل
منه قان «سانديس»ى آل
«روز» گولو آلما
قار ياغير....

سنى سئومك
اينقلاب كيميدى
گولونن گولله آراسيندا چيچك
سنى سئومك قومار كيميدى
اورخانلا آلچى آراسيندا
قورشون
كۆپك باليقلارينان اؤپوشمك
سنى سئومك
سئومك كيمدى...

يوخارى محلله ه دكى چرپلنگ لرى

توکه نمز آه لاريميز اوچوردور

نئجه كى واه-لارى باشيميزا چكيز

نئجه كى سئويمى خشابلايريك

گئتمك له قالماق آراسيندا

بیر شئی

و بو آرادا

اوخول چانتاسين

پئندير بلله سىي دولدورور

ساپ تئزى بارماقلاريمدا

باغى باغيميزدا

چرپلنگى آشاغا محلله ده

واليون آباد داكى

روح يارالارينين

قولتوق آغاج لارى

خوروز ساققيزلارينين

شيشيرديلمه سينده گوردويوم

سونسوز رويالار

چرپلنگی

کومیتہ اوشاقلاری اوچوردور

«آی» چرپلنگ لرین ده بیز اوچوردوروق

گوئی بوردان ماویلیک قوسور

و گونش بونا تانیق

تیر آغاج لارینین باشیندا یاشلانیر اوشونن اوریم

قار، آغاج چیراق گازلارین باشیندا قوجالینجا

قانلی ال لرین چلیبی

سوواق دووارلار اولور توخودوغوم ایلمک لرده

قار یاغانجا، قارقالار یووالارین ایتیرنده

خاطیرلاییرام زاپاتا دولو کوچه لریمیزی

گونش چیچک لرینین بارماق ایزلری

تیر آغاج لارینین آیاق لاریندا

قانلی بارماق لاریمیزلا دونارکن

نه منه قوخوسو گلیر اورمان لارین دوش لریندن

هر گون دئوریم - دئوریم سیفتاحایلا

اوروج آچیر آسفالت خیایوانلاریمیز

آ_____ما

اینتحار ائدیر یومروق لاریمزین آرزوی لاری

قار یوواسی اولونجا قارقالارین یوواسی

آغاج چیراق گازلارین اووجوندا

گونشین قارا یوخوسونا دالیرام

آغاج لار قوجالمایین

تير آغاج لارى اولمه بين

ايچيمده

قار

قار - قار

قارقا ايتير ميشم...

31

"آراميزدا قالسين"

نه گوزل قورخاقلیق ياشامينا آليشديق

عائله جه برابر اعدام پارکيندان گليریک

ارکک لييين بير اينده

قادين ليغين سومورولان تاريخينين

اؤيره تيم دوداقلاريندا

بير اينده ده

گله جه بين اؤز گورلوک ميدانى نين آدينا شهيد بسلير

قادين ليغيندا

سئوگى سانديغى ياسال آنارشيسست لردن

اميشير دويغو الى

بير ده خيانت قانى قوسدورور

کيشى ليين دامازليق قاش - گؤزونه

قيزلارينين قولاق لارى، ماشين لارين تورموزلارينين دارى سئچير

اوغلانليغيم اوتانير ايگيدلييه

قورد اورگى يئمه ييبدي محبوسلاريم

شهيدلرين قيمتى ده

فيلان يئرده سوپورگه چي ليک دئييلدى

زيرنگ اوغلان

آقا پسر

اوتانيرام

«آپارتايد»ين كئرال ليغى اولوب يوردوم

وطن - وطن

دئيه - دئيه

چيخان اوغلان

شاعيرلييه باش ياريري

آدامليغين دوواري يوخ كؤچه بوردان

اولان بودور

بوردا

"اينسانليق" آديندا بير سؤزجويون

آنلامى

اوغورلانيب

آراميزدا قالسين...

32

"آزاده"

آنالارى قانلى توپراغا وورولان شئيديريقلى ياغيشا يئريكلميش لر

قان لارينداكى قورشونلا بسلنميش لر

هان باتونون سانجيسيلا

ساواش آردمينده دوغولموشلار

گوڭبک لرى قر آن اوسته ذوالفقار ايله كسيلميش

آدلارى قولاق لارينا گيزليجه «نسىمى» سسله نىلميش

نه بىلیم!

بلکه ده منصور

الله و الصمد

اوتقون لارين قارين لارى سؤكولسون لوطفن

بئشيك لرى «آتييلا» نين آت يهرى

اويونجاق لارى قيلينج

اونلار شيكا-شيكا يوخ

چاكا-چاكا اويارلار

اوخولارى قورخمازليق

كىلاس لارى شهادت

اوشاقلارى مشق لرین دووار اوسته يازارلار

ايکينجى قرانلارى «ديوان الغات التورك»

گاهدان آلاھلا، گاهدان آزادليق آلدانانلار

چوخوموز کیمی

یانی هامیلار کیمی

فکیر اوشاقلاری بئینلرده کورتاش اولور

و «سزارین» لی آیدین لاری دا حق آلماق سسی گلنده

کت-شالوارلارین باتیریرلار

و سیاستچی لری گنج لر قانیلا شراب دوتوب

شرفه ایچیم - ایچیم ایچکی لرینده

بالاجا بالیقلاری مزه ائله ییب اودورلار

و سونرا الکل قانلاردا

«وینستون» داماقلاردا آنا یاسا یازیر

یاسا تانری لارینین هر زادینا لعنت

یاسیلا، یاسا دوشورم

«بابا آب داد» یلا تئورور

«آق سو» دان قان آخار

«یارکند» ینده کی یارالیبیم من

«وندوق» قیزلارینین باشی ساغ اولسون

«اورومچی» نین آر اوپرَنجی لری

اونلار بیزلردیلر

آمما اونلار «آلا قاپی» نین مؤذنی دیر لر

«آشنا» لارین اذان سسی

و اوزو قارا ایسلام کرال لارینین آل بایراغی

اونلار آل قان لارییلا، کعبه رنگ لی اویغوریستان آسفالت لارین گلین

چیخاردیر لار

پالتارلار آسقىدا منسىز اوشويورلر

من پالتارلاردا اوشويورم پليس لى كوچه لرده

آمما آير خور سانماسايدىق آتالاريميزين راديويا, شيطان توخماغى دئمه سینه

آير گولوب - قيرجانماسايدىق, آنالاريميزين «تيلويوزيون»دان ياشماق توتماسينا

و آير اوخماسايدىق بو يالان نامه لرى

نه پالتارلار دوناردى آسقى لاردا

نه من اوشونرديم خياوانلاردان...

آزادلیقى، نه «عدم» ده خورولدا دیغیم یوخولاردا گوردوم

نه دونیا زورلا گوز آچدیغیمدا

نه اوشاقلیقدا هوله سک اوینادیم اونو

نه اوخول لاردا اوخودوم ایفباسینی

نه اونون آدینا کیتاب یازیلدی

نه بیر آزاد دالغا چیرپدی نت رادیومیزا

نه آغ- قارا «تیلویزیون» لاردا برلدی گوزو

نه «بیلیم یوردو» لاردا واحیده دوشدو

نه ایچکی مجلسینده ائشیتدیم ساغلیغین

نه یارالی توپلومدا تاپیلدی چیخاریلمیش گوزو

نه دئوریم لرده قالخان شوعارلاردا گؤیردی بارماق ایزی

نه سؤزلوک لرین دادلی آچیقلاملاریندا دادیم، دادینی

نه شاللاق سسیندن چیخان آه لاردا آلدیم سسین

نه گولله اوستونده یازیلیمیشدی آزادلیق

نه بارماقلیقلارا سؤیکنمیشدی لئشی

نه تیکانلی تتل لرده چیچک لنمیشدی قوخوسون آلام

نه زیندان قاپلارینین قیغیل لرینده مار کالانمیشدی رکلام اوچون

نه یولچو «لنینگراد» «مارکس» ین اویاقلانمیشدی «اوراق-چکیشی»

نه قورومساق «كاپیتال»ین یئددی اولدوزلو هوتتلیندن آسیلمیشدی لوندوراسی

نه کعبه اوستونه یازیلیمیشدی آزادلیق

نه خاچدان آسیلمیشدی آزادلیق

نه سئوگیده اوپشولموشدو قان دوداغی

نه باتوم سانجیسیندا دوغولموشدو بای بالاسی

نه عزرائیل الینده کسيلمیشدی سون نفسی

نه «فروید»ون میمونلاریندا آدلیم آتیردی دده سی

نه آدامین «قابیل»ینده قانلانمیشدی

نه اوّلکه سی واردی سینیر جیزاوار-یوخونا

نه بایراقی، یازیلا اوستونده آزادلیق

بئله یازمیشدی توالت دووارینین اوستونده بیر تانری

آزادلیق=آز+آدلیق

یانی آزادلیق آز آدلی لیق دئمکدی اونلارجا.

35

"اوره ک"

هر شئین وَبالی وار کؤکسوموزده

خاطرینا سیر تیمدا داشیرام یئر کوره سین
 اوزونون قیریشق لیق لارینین ایدولیا سی گبر دیر منی
 گرچک دئمه بینین اوتانج ترلرینین خزرینده دالیرام
 سانکی گۆز یاشلاریندا اومور عمان
 یئیندن سنین دوداقلاریندا دوغولور آذربایجان
 گۆزلرینده ایله بیلکی هر شئی گودور بیزی
 بیز گودوروز بیر-بیریمیزی
 گودوک- گودوک ائدریک اؤز-اؤزوموزه
 قیز اوغلانجاسینا
 اوغلان قیزجاسینا
 اولان اولانجاسینا
 عؤمور سانجیریق توپراغا
 یاشاییش توخویروق قارین-قاسیقدا
 نیغرت آسکئریک گوده باخیش سرحدلرینه
 منه دئمه قیمتی نه اولورسا اولسون، یاشامالیسان
 سانکی فاحیشه لر یاشامیرلار هئج؟!
 یوخسا سئرچه لر قیسیر قالیب
 یئر می گۆزلمه مندن

یئنه سیاستی سیاه ست یازاغام

منطیق دئیر لر یاخشی بیر شئدی

آمما اورداکی سالاخلیق «کوپن»ینه صف چکیریز

دیل کله - پاچا توکانیندان باش چیخاردیر

و فهله لییه شرفیمیزی قیرمیزی قولتوقلورلارا پئشین وئرمه لییز

دوزدو آجام

قارانلیقدی

سنی اینانمادیقلارینا

ایشیقلا آلداتما منی

یاراسا اولسامدا

یئرلیم

و یئر ه گلینجه

فیر-فیر فیرلانیرام

اوریمسه اود

و گونش کیغیمده دی قودوخ!...

36

" صیغیر "

نه یاخشی سن وارسان

يوخسا بارماقلاريم يئتيم
 ال لرېمسه, دول قالاردى
 نه ياخشى كى سيز وارسينيز
 يوخسا ديرناق لاريم قينچادا بوغولاردى
 گول آچمازدى بارماق لاريميز
 نه ياخشى كى سيز لر وارسينيز
 گولوستان دوزلده جه بېك يومروق چيچك لر يندن
 و گول آچاغاغيز
 قاهقاهاالاردا
 او قدر صيفردن باشلاديم دئيه
 صيفيرده بيزدن اوتانير بئله...

بیر شهره کؤچه جه یم
اوردا نه دستمال دوزه له
نه ده کئش
جناب دستمال کئش!...

عیاش لار بیرله شنده
 نه گونش گوزون برکدیر
 نه آیی تر باسیر
 دونیانی قوال رنگینده بویادیم
 ویلچر اوستونده بیر اوغلان
 پولیس «مرسدس»ینده کی باجیسینین دالیجا دوشدو
 عیاش لار بیرلشنده
 نه قیرمیزی-قیرمیزدی
 نه قارا-قارا
 قووالارین باشی آغاردی
 قارا قانلی ال لر دانی شیر موغاملاردا
 بیر اولوسون بارماق ایزین داشییر قورخاقلیق توسباغاسی
 دئوریم آلانینین
 دور ووروروق
 آزادلیغا یولا دوشوروک
 بیر بوش ویلچرله شاخ با شاخ چارپیر
 توم آرزیلاریمیز
 اینانجین قارا یوخوسوندایدیق

و گۆزوموزون اۆنۆنده
لالالارين ياشيل يارپاق لارين
زورلاديلار...

بیر گون سنه بیر گول چالاجاغیدیم باخچامیزدان

اولمادی

گول چالاجاغیدیم سنه گونلرین بیرینده قونشوموزون باغیندان

اولسایدی

بیز یاریم قالمیش جهالت ساواش لارینین اوشاقلارییدیق

بیر قولون قولچاغینین بوینوندا گونشدن آسیلی

بیری گلین چیخاردی خومپارا دوداقلاریندا

بیری قالدیریملاردا آداملارین میندار ایچ گوزگوسو

"مندن بیر گول آیین نه اولار"

یئردن قول چیخیر حکومت اورمانلاریندا

سنه بیر گ_____ون چالادیم دوش لریمدن

بودا یئتر بیر قولچاغی قبرستاندان قاجیرماغا

بو یئردن قاجماغا

بو توستولو قانماز خییاوانلاردا

بو بویون آیدیرن گوی دکن لر قارشیسیندا

آددیم آتارکن روز گولو الیمده دونارکن

عشق بیر ایکی لی گمدی دئییلسه ده

گولمه یی اونوتدوغوما گوره

آغلاماغم دا گلمیر...

40

" ایچیم چالینیب "

اویونجاق ایسته دیم آلمادیلار

قارا پیشییین بالاسین چالدیم

اوشاقلیق یو کومو چکه

سئو گیلیسی ایله د. د.ت ایچن لطف اله ها آغلادیم

منه پیشیک داشقاسی قوشدو تابوتوندان

ات پاییمی یالیز بیر گون اوزوم یئدیم

خیوانین او تاینداکی قونشو قیزی ایران، اونو آغ اتی ایله آلداتدی

دوستوم منی اته ساتدی، آتا یوخ

مزارین ایتیرمه میشم

جان کولون تهرانین آزادلیق کوله سینه سپمیشم

اوندان اوزو قارادی

«آتیلا» یا تیکیلن دووارین آلتیندادی مزاری

مزارین ایتیرمه میشم

ایچیم چالینیب منیم

هر آنتین هنده ورینده چالینان چانلار

منیم اولامامدی

دوروم بیر چای ایچیم

ایچیم چالینیب منیم...

41

"رسيم"

بوردا بير سيلله چكىلنده

اوردا بىر رسىم چكىلىر
 اوردا بىر رسىم چكىلنڧه
 بوردا بىر قىز دوش لره دالىر
 بىر اوغلان يولدان چىخىر
 بىر ھۆرمجك ناققىش گئدىر گرچك لىبىه
 مىلچك بالاسىن قاندا چىمدىرىر
 شئىطان بويلو قالىر اينسانلىغا
 بىر بارماق دوووارى دئشىر
 كۆلگه لره بارماقلارىن چارىشمازلىقدى لامپىن آرخالارى
 يوخوسوزدو توم گۆردوك لرىم
 اورا - بورالىيام من...

42

"قاردان آدام"

گونش قاردان آداملارى قىسقاندى
 بىزىم شىرده قاردان آدملارىن قولو يوخدو، وورولماغا

گوڙلری، دده لرمیزین «سبحان الله» داکی قیریلان تسبیح گیلہ سی
 بورونلاری، قاریلارین نئو خانلارا تیکدییی، دون-دوک فلسفه سی

یوللار اوشودو

آداملار اوشوندولر

قاردان آدملار اوشومه سین دئیہ

یانمیش ساپ بو رک چکیلدی باشلارینا

آیاقلارین اوشاقلارا بورج وئریپ

یئردن آسدیلار قاردان آدملاری

گونش پنجه لرینه گلدی

آغزی باغلی آذرده گولله ندیلر

سونرا اونلاردان

گونون یئره سریلیمیش جنازه سی قالدی

بیرده کورک لر قاپان قار کغنی

الجک لر، بیز انتقام پئشینده دئییلیز...

43

"آلاچی"

چین گوک لر یوردوندان

قانادلاریم، آلاچی قادینلارین ال لرینده کی تیکان لاردا

گونش دارقالاریندان، قورخمادان

ال ساللادیم ایشیقلارا

بیز بیچیلینجه گونشین دیش لری توکولور دئییه

اولوسدان بیر آه چکدیم

اوچور یابانی ایستک لر بئینیمده

لالادان بایراغا یول وار سانکی...

44

"قارا پیشیک"

تویوق بانلایاندا

قارى بىر خوروز قوربان كسردى

من اويونجاق ايسته ييب

آماينجا

قارا پيشين بالاسين چالاردىم

بو گون قارى چورَك خاننا قويروغوندا بانلايينجا

آتام «تلويزيون» دا آسدى اوزون.

45

"داريخانلار"

نه اولدو سيزه اؤز گورلويه داريخانلار

دانشان دار آغاجیدی

من داریخاندا

سيز گرچکدن اولموسوز دئمک

گوئل ليک پيجاق کیمی کسکين

و قومار تکين يانقو اولمالیدی

اوتوزماق نه دی کی!

46

" ایچیمده کی "

آنا منی تئز دوغدون

من قوراخاغام ھلە...

اگر ساوشسایدی

اوخویا بیلردی

اگر ساواشسایدی

آیاقلار آلتیندا قالمزدی

قانالار یوللاریندا چولاق اولمازیدی تیکانلی آرزیلاری.

بیرماھنایدی ھر دانیشتیق اۆزومنن اۆزلویومون آراسیندا

او ایچیمده کی دئییر

اوخویون

ساواشین

باش آیمه بین

و یئنه آیاقلار آلتیندا قالین

من اۆزوم اۆزومو یولدان چیخارتماغا یارانمشام سانکی...

47

" یانلیزلیق "

یانلیزلیقدان اۆنجه

توسباغا باشين ائشيبه چىخاردى

آستاجا ساغ - سولونا باخدى

زامان سىسىرقا باغلادى

من گىجه لديم

اصلينده

بىر گون واريدى بىر گون يوخودو

يوخ!

كرمىنده

بىرىسى واردى

ونامردىن قىزى تاماملامادى يالنىزلىق قهرمانىمى

توسباغا گوزون دولاندىردى

گونشى ائوينه گوتوردو

ساغليغىنى من وئردىم

بىر نغسده بوتون دويغولارىمى يالنىزلىق چترىنين آلتىنا آلدىم

ياغىش ياغمادى

توسباغا چىخمادى

و من هله ده وار يالنىزلىق چترىنين آلتىندا ايسلانىرام.

48

"سن سندرومو"

سئرادان دردلدن می سن؟

سئو گى يئتمير!

منه، سنى سئوميرم دى!

سن، «سندروم» و وار منده

سنى دوشونوركن

يازاندا يانليشجا بيز يازير منسىزلىك

قومارباز آيدى آليم

«آلچى»نى «اورخان» گؤرورم شعر ائشيدنده

شعرلرين اله سالدىغى گؤزلرى، قاشلارى، آيى و گونشى زيريلداما شهرين

اوزسوزلويونه

بوتون چكىب چكمه-ديبىم اويوشدوروجولار شاعيردى

سن، آلاهى ديب نوتدا بورخان ابولفضل ذهنييتندن دانيشما منه

من اوزانىق نعلبكي لرده ايچديبىم دنيزلى چايلارين دادين خاطرلاماغا چاليشيرام

آدام اولماماغى دوشونورم

ايت سئويرم من

و ان بؤيوك دلى لييم قوش فوتوگرافچسى اولماقدير

سن اولماساندا اولما

آمما خياوانلارى دئوريم قوراقليغينا چكمه

آلاه قاورامينا پئشمان

آلاه يالقيزليقدى

آلاه قورخاقلارين بتوهونى دير

سنى سئويرم دئيه آجى چكمير منليك

سن بت اول دئيه

جاركش دئمه ديم تانريلارا

بيري گلينليك گيرسين دئيه

نه قيرمىزى روز اورمانلارينا، بورديزل چكمير آدامداشلار

تهرانا كوسمه

اورانيين بازارلاريندا

يالقيز فهله آختارير آيدين شوشه لر

قاچ بو يئرلردن

آمما اولمه ده

پارلمان بوش قالار

عراقدا قحبه وار دئيه

ائوده كى جيندايا وورولاسان بير گون

ديلين، دموكراسى شرتى آلاچاق ايدولوژى دواخاناسيندان

الينى باشيما چكمه

آنورمال اولان بو نورمالييه نه بورجوموز وار كى !

سانال حیاتین «ماستر باسیون» وندا دوغرانماسیدی آرلیک
 بیر پاییز گۆبله یی یئتردی، اؤلومه بیعانه وئرن بیر خلقه
 اؤزون بیلمه یین بو «کلونی» توپلولوقلارینا حئیرانام
 اینانجیم اینانماماق اولدو دونیا کیلاسیک لرین اوخورکن
 واکسن حراملیغی گئتیرمک لازیم

شوعار وئرمه

یانیزلیق توپلومون ایچینده کی قاهقهالاردا دئییلسه
 اولوملو باخ حیاتا دئییرلر، «پست مدرن لئککتا» لاری

کاپیتالارین دیشی ایتیدی

یئیر تاپیناقلارین گرانیتلرین

یئیر بو عارسیزلیق گده منلییی

قانیمیزین شاهنی شرابلاری سومسوکدو

منی سئویر - سئومه یئرہ اوغراشیرکن باخیش چیک لار

کاندوم فابریکلاری دلار یاغدییریر قانجیق روحوموزا

بوילו قالیر سفسطه میز

نفت وئرن آلاهیین هرزادینا...

عشق یاشمامادیقلاریمیزسا

«تیلویزیون» سیمین چک

گونه باخانلارلا گولله لندیم

قوی جاهیل دئسین لر «اندروید» ی اولمایان قاورامسیز لیغیمیزا

سن جنتی اولمایان بیرى اولومو دوشون

من جهنمده اگه منلیک قوران دوش لرین پئشینده یم!

49

"آحیدیر"

آحیدیر

اینان پارام وار هشتاد میلیونو اروپا

دوخت_____ورلرینه گوټوره

بیلریم

اټششگم اوندان

یا «آرپا چایی» نین آت سویونندان ایچیر دَرَم موبارک آغزینیزا

قورخمایین یالان دئدیم

بیزیم آیدینلار «الیم خمیر قارنیم...» اؤیرنجی دیلر

دیل لرینه شالوار باغی آختاریرلار

هله من شایگیردام

کن

ولاکن

ساتقین لاریمیز سیزی درمان ائدرلر

نوقطا

تاریخی اټششک لیک لریمین حاققین آلماسام حساب قالدیقجا آغیرلاشاجاق

و بو گله جکده اوغول لاریمیزی گودازا وئرمک دئمکدیر یئنه

بعضا بیلیمیرم نه جور اؤز اوزمه توپورم

آما سن بو سؤزلره قولاق آسما تانریم

بیر گون ننه می سنه ائلچی گوئدره جییم

بیلیرم قادین دئیلسن

اثرکک ده اولما

سنینین جینسینده بیرینه احتیاجیم اولور کئغله ننده

واللاہ پان تورک دئیلم

تجزیه طلب ده هئچ

منیم جورموم آتا یاسادادا بئله یوخ , بیلرسن

بونو قوش لارین قانادلارینداکی بیت لر بئله بیلیر

بیرده سن

بورج وئردیم بوتون ایرانی گئری وئرسن

یا آلسان

کینینه سالجایام آندیمیزی

آند اولسون

«خورازم»ه

«بوخارا»یا

«سلجوغ»ا

«سامان اوغوللاری»نا

«اسماعیل»ه

قودوخلارینا

قاجارا...

ماجارا

آند اولسون دوغولماميش قيزيميز تورانين آدينا

قاتيل لييه خشابلانير گۆزلىرىم

و گونه باخان لار قارا اوخلار دنگ گلدى هر زامان

من آيا باخانام

دوم دورو

كۆسمدن ائشيتيم

و اينتخاردان اؤنجه قارا باسدېما گيرديم

درينين تور تاسييام

شرفين يئتيم قالان بويوتو

قانجيق فكيرلرين كيشى ليينه بويلو قالان دوشو

سيزدن گليريم

داغلارين يالانچى ساوجى لارى

آلاهى گۆيده ناللايان ارلر

شامپو قاپاق لارينين كۆپويونده اولايان اويونجاق گۆزلىر

نه اولور بير آز ميندار دوشونون

پيسله بين

پوخالین

آمما ساغلیق لاریمیزا گیرمه یی اونودون

بوردا اوزو توپورجک لی

شاققیداقلی پیس اوشاق لار

جیمهور باشقانی اولورسا

سن ده اوروسپی لیک باخانلیغینا گیره بیلرسن

آمما ساغلیق بیزیمدی

حتی آتیلادا بیلرسن قاغاسی

قوی قبریستان لار شنلنسنین

و آرخاین اول، بیز هئج زامان هئج بیر

تورتالی باخیش ایچمه میشیک

هچ بیر گوژون پییالاسیندا دا, دورولمادیق و دورولانمادیق

آیین اون بئشلییین لکه لی داغلاریندا جایلانیم

اوندان بابالاریمیز هیلالچی دیلار

دان اولدوزن یالنیزلیغیندا چادیر ووردولار نیسگیل لریمیزی

آخ بیز نه قدر روس رولتی یئسکده

لورت چئوریله جک لر ساپلاریمیز

قاینیز قانماز

و سيزين بئىنينيزين سينيرلاريندان آشان بير يئرده ائويميز وار

سولارى قيغىلجىمدان

اوتانجى لالا بوياسيندان

چۆرىي دوست خيانتيندن

قاراداغ كيمي بير شئى

آه اوشويورم

آه دونورام

و آه اولوم نه قدر «زئوس» سان سن

عشقىمىز بىزى دار آغايينا گؤتورمه يه اولور

بىزى ايسه هئچ زادان داد آلماديغىمىز دادلارى كيمي

دوداقلارين چاتلاغىنى اوچوردوروز

اوه

گده بى

منى حورى بئله قانديرانمادى

چاققال دا، قورد دا قالمادى منى يئيه

آرتىق هر كس ماشالله تولكودور

اؤزو ده آكادميك تولكولر!

واه

هؤويچ كيمي باشيميز يئرده

گؤتوموزله «اينستاگرام» صحفه لرينده

نه فيكير كي ائله مه دي

قيرج حيب ال اهبر(على اكبر) فوتورافلارينا دالاندا

و بيز، گرچك ائلين مجازي ساواشيچي لاربيق انشالله

يازيلارين اوغلان قيزليغيندا قالدی خلقمیز

و «كريمي» نين آدي «گئینس كيتابی» نا گيردي

بیز اوّلو پوستالایاندا

ماتيکلی دوداقلاردا ناققیش گئندنه شوکور اولسون

هیرس لنمیرم

بو توپراق گؤز ياشلاريندا باغيميسيز ليغينا قوووشدو

نهایت

بونو دون چؤرك قويروغونداكي چاديرالي قحبه دئدی منه

و من قحبه کيشی ليبيمدن اوتانديم آنام

واللاه پسوردونوزو تاپيمشام سيز تورک دئييلسيز

بونودا يولا گتيرديبيميز يادا يولدان چيخارديغيمز

اوغلو ائوينده ياتان سيد احمد دئدی

دئدی ها

"من در سرزمینهای خیلی اشغال شده ی

ترکان ایران زندگی میکنم

راستی

یادم رفته زندگی چیست"

والسلام.

حامام بؤجک لری منی آنلادی

آینایا باخیرام

منیم کیمی کاسلی

آمما دردسیز بیر آینا

خوش حالیوا آینا

دوداقلاریوی بو سوسقون شهرین آغزینا آک

بلکه سئکسن نئچه یاشینداکی دئموکرات

ایمک لیبه ساعات قاباغینین گؤزلرینده

یئر اوزو جننت لی شئیطانلارلا دولویکن من جهنمدن قورخورام

من واحیبیدن قورخورام

ائرکن دوغولموش تیپقه لردن

بیرده سندن.

من اوتوز بئش یاشیمین بیر ایلینده تانرینین یاشی قدر یاشلاندم

نه آجدى سونسوزلوق

آدمى بوغور يانليزلىق مزارى

گوؤلرینده مورگو وورورام آينا

منى اوشاقلیغیما گوئتور

یوخسا آغلارام ها!!!

یوخسا اؤزمو پیشک لرین آغزینا وئررم ها!...

هه بوردايام

بولودلاردان یاراتدغیم قوشلار یانیمدا

اوچورام

یازیق آلاه قانادیم

قاتیل لیبه خشابلانمیش روحوم

اؤلو

اؤلو

اؤلویم من.

50

"کفن"

کفنسه کف _____ ن

آتام گؤبه یممی اوزان خیال آرزیسیندا ایتیردی

ایتگین دنیزلر ناغمااسی اوسته

روحوم قوپوز تئل لرینه گیریشدی

چیمدی قانلی بارماقلاردا

میضراب یارالی روحدا

هئی- هئی ائدیب ماهنی لاری دوغوردوم

آه کی نه جور شپه لری بوغوردوم

آیریل دیقجا آنام منی ایتیردی

آیریل دیقجا آنام منی ایتیردی...

اولو بير روحو داشيرام بئينيمده

تابوت سوز

اولو بير كيمسه نين مزاريام سنسيز

مزار داشلارينين شعيرينه خاطير

منى يالنيز ليغيندا قويلا

بلکه بو دار قبيردن قورتولام

و اورادا بير آز ياشايش

و اولورسادا بير آز آزادليق يوخسو گوروم .

53

"شوپه"

آلما دئسم گل

ايچيمده كي فيكير اوشاغيں سوسدوردولار

آلما دئسم گل

هئيوا دئسم يوخ...

ايچيمده كي فيكير اوشاغيں آسديرديلار.

آلما دئسم گل

هئيوا دئسم يوخ...

اينديسه

ايچيمده كي فيكير اوشاغيں آلچاتماداديرلار.

نه آلما دئسم

گل

نه ده هيوا ...

54

"دن آتيردي"

دن آتيردي او شهر دوساغيںداكي گؤيرچين لره

دن آتيردى چۆپلو كدن گۆتورولن چۆركدن

دن آتيردى

كور

شىل

يوخسول

اؤكسوز

دول

و مين بير...

مندە بير قازئنين بؤيوك باشليقنين

بوش آلتيندا

بوراسى بير دئمو كوراتيك اولكه

شعير دارتيرديم.

55

"سيلكى"

دوغرویدو

اونو سیلمه گه

بیر یالان سیلگیسی

دوزلتدیلمر

آخی دوغرونون ایزیده دوغرویدو

ایزینه باشقا بیر سیلگی دوزتدیلمر

یوخ اولدولار.

گۆز لردە اۆلدوردولر سنى
 دوشونجه لردە كفن له ديلر
 باش داشين اوريميز اولدو
 داش يازين توپراق
 سنى گۆرمه دن
 سئوديلر
 سئومه دن قبرستانلار تيكديلر
 كئغلى سارايلاردا سولان
 تبريزلى سول+ماز

57

"تبريز"

سوود آغاجلاريندان باشلاير وطن

سندن سنسيز ليك

تبريزده، آدديم آديغمدا جانما تيرتمه دوشور!

تبريزده اوشويورم من!

تبريزده پوتون سسي وار!

كوچه لر قاققينيدي

خيوانلار يئتيم جه سینه بير بيرينه گيرير

حييمده بابامدان قالان «بابا پيچاغی»

بوينومدا ژ-3 زنجيري

آلتی جيبلی آمریکا شالواری، خلبانی کاپشن، قيصری باشماق

ايشيدييم

تبريز كوچه لرین، لات ايله گوٲت بکچی لر دولدوروب!

بير شهري بير قافيه يه ساتان لار وار

من تبريزين، تبريز اولماسينا تبريزه گنده حييم

کتدی بير سياسي لاتام

يوخسا منيم تبريزده نه ايشيم وار دايي!

58

"توسباغا"

توسباغالاری چاپديران

آت لاری اوچدوران کیشی لر

صندل لره قیغیلندیلر

پتی لره میخ لاندیرلار

آیدنلاری چوبوق آلتی، اوستونده آداخلاندی

تیر ایلغیمی وار کیرپیک لرین کؤلگه لیبندده

یاشلار سوچلودولار

بئیین قوسور سئوگیسیز قولتوقلاریمدا

بیربسی منی اؤلدورسون نیغرتته ده

میزی اوستو اولمام گرکیرمیش

بیربسی منی اؤلدورسون

نه اولار کی.

بیزیم سوژلوک لرده
 دیل یئرینه اوچ نوقطا
 وطن یئرینه اوچ نوقطا
 توپراق یئرینه اوچ نوقطا
 شرف یئرینه هر اوچ نوقطا یئرله شیر
 آخی بیز اوچ نوقطا دیاریندانیق
 آند اولسون باتوما...

بیر زمان چون سیندیریدیز

«فاشیست» لیگینیزی اینانمادیز

ایندیکی سینیر سیز

بیزی فاشیست سانمایین

لوطفن

«ایت یوواسیندان سومو ک اسکیک اولماز.»!

ساچلاریمی اوزاتدیم

سنین باشین یولوناندا

باشیمی یولوب

قلم اولان قوللاریلان

بوم دوزلدیب

آغ اوزونده

دردیمی قیزاردام.

يېرمى ياشىندا جاھىل ساندىغى شەردن چىخدى

مىنىنجى شەردن قوولدى

دئىنە-دئىنە

ياشاسىن مىن بىرىنجى شەرد

دئە-دئە

آيرىلدى

يوز ياشىندا اۆزون مىن بىرىنجى شەردە

يانى يېرمى ياشىندا جاھىل ساندىغى شەردىن اۆنۈندە گۆردو

شەردىن گىرىش قاپسىندا

يازمىشىدى

جاھىل شەرد(اسكى آيدىن شەرد).

او بوس-بوتون بیر رسام ایدی

یالان چکیردی

دوغرویلایا خانلارین بارماقلاری دیش لرینین آرسیندا قالیردی

کیمسه لر چیگین آتیب کئچیردی

بارماقلار آراسیندا قالان دیش لر

چیگین آتان لارا ونون شاه اثری ایدی

او بوس-بوتون بیر رسام ایدی

دوغرونو اینانديرمادان یالان چکیردی

لعنت بئله دوغرویا

اوچہ گتتمہ ٲ سین

بیزدہ ہر شئی اوچہ گتتمہ ٲ سین دئیہ

سن سیندیران گوئلومو

ایکی کرہ داہا سیندیردیم

و بئلہ جہ سینہ

اوریمیزن جغرافیاسینین

آیریلیق سینیرینا

هئچ ماہنی قوشولمادی.

گۆزسوزلرین گۆزو

نه کۆتک لر یئمیسن

یول اوستونده آغاج لاردان

نه میندارلارا دوشوب آری چیخمیسان

یئر دیشلرین ایتیلدیب سنی یئمکده دیر

گۆیده قار آلتیجی دی

آی آیری یوللاری دوزلدن

آغ چلیک

آه

آغ چلیک

باشيمدان تيراشلار كئچمه لیدی

دیلم بیز اولمالیدی

بدنیم یارالی

سوسمامالییام

جان دوستاغیندایم

قاتلانینجا اوجالیرام

قیسسالدیقجا بوی آتیرام

بارماق لار اویونجاغیام

آما دیلمدن اورمان لاریمیزین قتیل گاهی سوزور

منه آند ایچمه سزده

منی اوجوز ساتمایین

لوطفا

67

"آه پوف"

گۆز لریمین آغیندا آغ بایراق دالغانیر

دالدا لانییر

اوریمده قان بایراغی چیرپینیر

چارپینیر

بیک لریمه دئیین یاس توتماسین

خیال لاریمدا چوخ تله سیمه

کنایه دوقتورلری تزه بیر ایستعاره نوخساسی باغلابیلار

گۆیوله گۆز آراسیندا اوزون یول وار

هه-هه-هه

آه

اوزونوموش

پوف قدریمیش

آه

پوف...

68

"سورو"

آيرىلىق ماھنىسىن سورويە چالدىم
كۆرپە قوزولار سودسوز قالدیلار.

من معتادام

چوخلو بورالی لار کیمی

که چیل مه دن

تورک چکیرم

ترک ائتمیه جه یم

ترک ائتسم اولرم

اوندان

سونونا قدر توریاکی یم.

70

"سئو گلیم"

سئو گيليم

منى قوم ساهاتى دوشون

ايسترسن قان ساهاتى دوشون

سنى ائوينده سلول - سلول

سئويرم.

تکرلری قیسقانیرام

دیش لرینین یوللاردا چکیلمه سین

ساجلارینین اوزو قارا یول لاردا یولونماسینین جی - حیکی وار اوزییمده

تکرلر چارمیخا چکیلمش الیمینین مسیح لری

پیچاقلانان آرزیلارین خریطه سی

اوزی پاتلانیلان یولون سئوگی لری تکرلردی

تکرلری چوخ سئویرم

اؤلولری اینقلابین چیراق لاری

دیریلری بیر اؤلکه نین یوکون چکیر

تکرلری قیسقانیرام

72

" عشقیله نفرت "

بیر زامانلار

بیر

ایکی

اوچده هر شئی بتردی.

ایندی

سنین اوزوندن

بیر

ایکی ده قالیرام

بئینیمده عشق ایلن نیفرت آراسیندا اوچونجو دونیا ساواشی باشلایر

منیم اوزومدن...

هچ زاد یئرینده دئیل اونو سنده بیلیرسن

منده بیلیرم

آنجاق بیر شئی یئرینده دی

اودا هئچ زاد یئرینده دئیل!

اونو سنده بیلیرسن

منده بیلیرم.

72

" قیزیل گول "

بیز آیریلماغا چکیشمیشدیک

او منە قيرمیزی روز چيچه یی وئردی

یادیمدا دئدیم

من اونا قیزیل گول وئردیم

اوددوم دئدی

یالنیز آرادا «هالیوود»ون هر نه کی واری اویان- بویان اولدو.

74

" آند اولسون سنه "

اینان سنین آدین اولمایان سؤزلوک لری آلمام

آند اولسون سنه

اوشاق لار سفئه لری سئورلر

اوندان اونو سئویرمیش

آمما او دئلییدی

اوشاق لاری یوخ

او اوشاقلیغی سئویردی

اونو هئچ کس منیم تک سئوه نمز

اوندا فاشیست لییمی گؤردوم

بیر باشقاسی چیخدی مندن فاشیست لری ده واریمیش

دوشوندوم

آمما ایندی نه سن وارسان

نه ده من

یولون آچیق اولسون

هئچ منیم تک فاشیست گؤردونمو؟

75

"یانلیزلیق"

یانلیزلیغی مندن آلمایین

او يالنيز قالار ها

اونون مندن سونرا هئچ كسى يوخدو

من چوخونلوقلار كي مي نامرد دئييلم كي

اونو تك قويمام

او دولوخسولانار

او آغلار

يالنيزليق اولر ها

اونو مندن آلمايين

يالنيزليق چوخ يالنيزدى

«سارا انار ندارد

دارا انار دارد

بابا نان نداد»...

بابا آه در بساط نداشت که نان بدهد

با داس دریاچه درو می کرد

بابا آب دادیلا ترور اولدوم

ایل دونومون قوتلو اولسون تروریست(اویرتمن)!

بیر پاییزدا عاشیق اولدوم

بیر پاییزدا قورلاندیم توم آغاجلارین کؤلگه سیزلییینه

یاغیش یاغمیش آسفالت لارین گؤزل لییین

خزل آنلاتدی منه

و یول لاریدا، داغیلان سئوگی پوتونلاریم.

سئوگلیم بو ایل سولو اولاجاق

مئساژیوی هواشناسیه گؤندرسن

یانلیدیقلارین آنارلار

سگیز میلیاردی آغلیاجاق بو گوز

گؤزلریم قیر-قوملاریندا سو چکه جک

اینانیرام دئیرلر: اؤز گورلوک حورو تک اولماقدیر

دئیر: یالنیز قارتال لار یالقیز اوچار

قارقالار سورویله گزرلر

آما سنسیز اولماغا اینانانمیرام

سنی خاطرلایاندا تک صبر گلیر

سن سیز جوت صبر نه بیمه یارار؟

اوریم آشقالین آلتیندادی

نه گؤزل ایشقالچیمیشسان

گول اینتفاضه سی باشلایاجام

اؤپوجوک گؤندر حیم سنه

آمالار دوداغیندا

گؤرمزدن گلدین

بورنومدان گلدی پاییز

قولقلاریم پئچیلتی بالاتاسینا دؤندو

اونوتما سون باهار شاعرلرین قبیله گاهیدی

شاعیر دئیلم

ایندی توک لرمی سئویرم

بو زاماندا کعبه ن وارلی لارین اولدوغو اوچون

ماهناندا سیغیندیم پاییزا

ساغ اول

هر یئرده یاشاساقدا

دنیز کناریندا اولدوغوموزو آرزیلاییریق

دنیز کناریندا

سانکی دنیز بیزیک

دنیز نه قدر یالنیزیمیش

بونو «مارتی» لارین شرق لرینده

دالغالارين قاچقين ليق كوفا-كوفيندا
 باليق قولاق لارينين روحوندا
 گونش گمي لرينين لئشينده
 هاميسيندان بتر
 دنيزى اودموشام ايچيمده ساييلير
 بوغولور دنيز منده
 منلیم كوپيك كيمي ائشييه سئچرايير.

سوڤورگه چى لى شهري سوڤوردولر

شهردن بىر چؤپلوق چىخدى

پيشىك لى آغلادىلار

و قبرىستان لار يامان گلىشىر

اىنسان نامينه

هئچ اولماسا بىر قارىنج ائوى اولمايانلارين

اىكى متىر گورلارى واريدى.

سوڤورگه چى لى

قىبرلرى ده سوڤوره جك لى

بونو پيشىك دئدى

اؤلولىرى جىرماقلاياندا.

بوغداليغيميز بير فصيل او كسوزودو

سندە

دورد فصيلين اكسيك لىيى وارىدى

و منيم يئنى يئتمە لىييم قيرخ بئش لره يوبانديغى تك

رَمى گووردوم دوداق لاريني

بايراق قيرمىزيسى تارلارلار اكديم دوش لريمده

اوراق چىخدى تومانيينن گول لرينده

قوراقلىق بوغانيندا قوجا اكينجى سامان كيپريك لرین سيخاركن

بوزارميش ساپ بوزكونون آسىمانيندا

سربست سونبول لرین توخلوق سئويشمە سينين دانسيندا

گوزل لىيى دالا-دالا بيچديم

سامان لار آغلادى

و بير اوراغين قودوز آغزىندا گوبه لك سه ده جين ياشاميم

بىز كسيلديكجه

كوتلنر ده وار دوشوندوم

ال لريم تابوتومون قاپاغين آجليغيميزا پانكارد آچدى

اولوس جسدى قوجاقلاندى

و سنين بتن مزاريمدا بوغدا اكيلمير نه يازيق!

نه يازاق باري؟

سئوگي اک گرانيت يولداش لاريميزين بوشلوق دامارلارينا

نه اولار ياي آغ شاملاريندا

موتلو سئرچه لر جوما آخشامين گؤزلمه سين.

80

"فصيل لر"

شهرين ساعاتين گؤز لر يمه آسديم

جانلی بومبادی قوربتین هر نفسی

ثانیه-ثانیه

منه دیک-دیک باخ, دوش لریم دونور

بارماق ایزلریمی سئودییین یاشامین قیرمیزی «دولما بیبری»نین لاپ آجیلیغینا

دولدور

آرزیلاریم سندن ساری

کلفچه لی

گئج قالما

بابانین قیزیل دیش لرینین دؤرد بوجاغینین قونشولوغونا

سالام سؤیله

باهاری گؤزلمه بیزه

اوزونوده گوزو گؤزلمه

آدیم-آدیم فصیل لرده ایتیر بیزیده.

81

"من"

عشقین دوواری

مندن بئله آلچاقدى

من

من

من

فاشيزىمى، باخيشمالار آراسىندا اۇير ندىم.

82

"گونه"

هئچ بيلير سىينز بىزىم گونهيمير شعير يازماقدا ندىر؟

آه شاعر اولماق عقده سى

استعاره ایله

کنایه نی تانیمیریق

یاشاسین سهند

لاپ بئله

ایچ گودو زیندانی

لاپ بئله اولوم.

83

"اولولر"

سن؛ موسیقیسن سن-منلییمیزه

اونودقان عاشیق لرین دوداغیندا میریلدانیر دار آغاجی قوش لاری

ئىشىدىلىر؛ دار آغــــــــــــاجى

مزارىم بارماقلى قىلار آراسىندا بارماق لانىر

بوردا قبرىستان لار شىردن اوجادادىرلار

آشقالخانلار قبرىستاندان

اۋلور دىرىلردن و شىر دىبە لە نىر قان كۆلگە لرىنىن بوياسىندا

اۋكسوزلر؛ ياسىن دادىن چىخاردانىمىر تانىرلار اۋلوركن

يالىزلىق زوبانالىغى، آلىر تابوت مندن

من چۆلدە ياشايان قونشوسوزلوق دويغوسونون دوغولمامىش ياشام

سۆزجوپويم!

اركك لىك؛ دئە لى لىين جدى آغىل لىغىدى

قانجىق لىقدى او دئدىين اۋلوم تىراموزو

كىمسە يە اۋلوم اىستە مە!!!!!!!

قىز اولور دوش لرى آغزىمدا آلچا قوروسو كىمى ايسلادىرام ياشامى

اوشويور دىلىمىن اوجو

اودورام ايشىق لارىن يالىزلىغىن

قارانلىقدى لالا

لالالار

و نه يازىق آنا اولانمارام!

روح آميرَم جو ما آخسامى اؤلوموندىن!

هر سحر جو مادى دويغوسوندايام!

و بو يانى ايشيم وار!

چاليشماق باشقاسى نين ايشين چالماقسا

اؤز چككىم دئيلىدى

دارا چككىليرَم يو خولارينداكى قانلى بئشيك لرده

فاشيست ليين لاپ سن سيزلى ايدى، سئومك

آنا دولو، آنا دىلى، آنا وطن، آنا كارنينا، آنا توران، آنا فرويد....

آنايلا باشلايان بوتون سؤزجو ك لرنيسگىلىدى

يوخونون اؤزلى ايله ياتديغيم رويالار بورنومون دكلييندن گلير

«ماركو پولو» سوز تبريزده

منه تبريز يانى خسته خانا!

ديلسيزلىك دردى!

دىلى آجيلقلاريم گؤزمون قينتاسيندا

شهيد ايله يئر خاطريره لريمى

آنا پاجاسيندا آلدېغيم ايستى نين ترك ائتمه سى

بوتون حجره لريمين ديشين آغاردير

آرزى لاريماسو چكىر

و من اؤلوم اوخولونون يئتيم اؤيره نجيسى يم
 نه ياشدا اولورسان اول يئتمليك - يئتمليك دى
 چونكو سن قبرستانلارى سئومه يه باشلايرسان
 چونكو او دونيانين اولماسين ايستيرسن

قاراي ا عاشيق اولورسان

سئقله سئودالى....

سس-سوو اونودقانليغى

بو يانى

يئتيم اولورسان.

84

"سنى اونودوم"

سنى اونودوم

پاپريس آليشديرديم

«تير سيگارى» ن كؤتويونده

گولله لندیم
ایچکی ایچمیرم
شرفینه اولمایان یئرده
شرف سیزلیکدی
اونوتماق
ساغ اول
بیز اولدوک .

85

"کدر"

زامان قوسموشدو

پاییزی

اوستاد اویرنجیدن سوردو:

-ندن قارا گئيميسن؟

اؤيرنجى دئدى:

-هاوا ايستيدى پنجره نى آچين

ائشيك داريخب.

86

"دوستاق"

جيب لريمى اوغلومو كورلويان زامان ووردولار

هئچ كيمسه يه دئينمه ديم

الجئنين تايى شالواريمدا دونوب قالميشدى

او بیر سینده

«مرسدس» چی لر

کوچک لر اولویان زامان گلین چیخارداندا

قار سیلنن باشیندا گوردوم

منه ال قالدیردی

اوبیریننده قاراما

87

"چن"

تام هاوانین چنده داریخماسی یاشام

اورگین نغسده بوغولماسى

گوژ-گوژو دىرى- دىرى يئديكى دويغو

عو مور ساپيندا داملاحيق اينتجارى

گوڭلك لى ده پورتوك- پورتوك

وار يوخ چكىشمه سى

بولاقلار يىن داماغينداكى زلى پىچاغى

قوانى قاجدى

توتانى باسدى

ياشام ياشا دولدوقجا قورخاقلق هورمه لىرى

قانمازلىق چاخىرى

ياشايىش زامانىن بيغ ياغيسى

اوشاقليقدا ايتير دىيىم بويوك لوك

بويوك لوكده آختارديغيم اوشاقلق

ترسه بره

يوقوش پيلوو

سوژلوك آنلاشمازلىغى

سوژجوك ديدرگىنى

سس ايلغىمى

ياشام

سس سيزليک آريسي

سوس

سيس.

88

" قارقيش "

بوغازلاردان بير قارينج يوخارى

گوڤک لردن بير قارينج آشاغى

وارلىق ائولرى دە وار

بىزدە يوخلوق سايلىر

قارشىمىزدان چكَن كۆپك لره سىقىنال چاليرىق

بئش آشاغا

دؤرد يوخارى

باھىمىن اورىيىندن كاباب قوخوسو گلير

بىرىسى اوزاقلاردا قارقىشللاير

بىرىسى بامادور دوزور شىش لره.

89

"يورقون"

سحر - آخشام قان تَرىندە

قاش قارالاندا بىر يازى تورا.....

اوتوزماقدان قورخماديق كى

بیر آیدا یوخ

بیر ایلده یوخ

مین ایلیدی بیز مین اوزلولر

آلت دوداغی

اوست دوداغی

قاش - گۆز لرین دیلمانجیندا

صیفت لرین چرچو وسینه قورولان سالونلاردا

چنبرلی بارماقلاندىق

دویولمدن اوسانمیشام

دا بیخمیشام

-کیمسن دئییب

بوش قاپییا آچیلمادان

گۆیدن اؤته ائولریمیز بیخلیر

سونسوزدان گلن او موتلولوق

سویدورورو ایچیمده کی بوشلوق لاری

تانریچالار دولدورمادی

جنت ساندیغین ملایکی بوشامیشام

يورقان لاريم بير اولونو داليجادى

اؤلومه يه ده يورولميشام .

90

"گمى"

گمى دولو اومودلارى

باتيبا سارى

گونش قارشيندا

گوژدن ایتدی
یئلکن لر ساغ اولسون
سو بارماق لاری
بالیق لار شرقی سی
یئل قوشونو
بیرده سن.

91

" نیمکت "

قار کَفنی

یویو جوسو یاغیش

اؤسیزلرین اومود ائوی

ایش سیزلرین اونور دئوی

قاجاق لارین قیر آتدی

اوشاق لارین ساییقیلیغی

یازارلارین باشلیق لاری

سوژه لرین گؤروش یئری

ژورنال لارین قم تابانی

سئوگی لرین سیر قاپیسی

تورک لرین پارتی لری

اوج نوختانین

اوج نوقطه سی؛

پارکلارداکی نیمکت لر

92

"اینتیجار"

سئو

سئومه

آه آچیلمی دئییلدی کی

بیر «اوف» نان سئندیریم
 ساهات قازانیندا چیغیریرام
 بیر آیاغیم جئنمین باشیندا
 بیر آیاغیم جنته باسیر
 اوچونونجو آیاغیم
 دوش لریمده قازماق قویوب
 عددلر اولسام
 آلاه باشیمی کسنده
 اینتچارا بیر باش ووراردیم.

93

" اینترنت "

سئو گیلیم دوشر گه اوشاغی

اوخولوموز بیر

«آلفابت» میز بیر

اؤیر تمیمیز بیر

ساده جه سئو گلیم دوشر گه اوشاغی

او دونیانی تیکان لی تئل لر دالیندا گؤرور

حیاط باغچالارینین شریتمندن «چغیه» آسیلی

پنجره لرینین آخار باخاریندا

عسکرلیک پالتارلاری اسیر

قیشی عدمه بنزیر

یایلاریندا تر قوخوسو گلیر

گولخان لاریندا

گونه باخانلاریندا فیشنگ ساخلی

سئو گلیم دوشر گه اوشاغی

مکتوبلاری موبالی

او تهلوقه لیک ایشارتینین او تایندا آددیم آتیر

من بوتاییندا آدام کلله سینین سور - سومو گونه

امک دوغراییرام

عسگردن قورخمور

سئو گلیم

خیال شهری

مفتیل لره قفیل لی

منیمسه دونیانین دؤرد بوجاغیندا

صیغیر شهریم

دوشر گه یه باغی

عشقه پیلان لاری

قلب فتحینه

تاکتیک لری وار

سئو گلیم دوشر گه اوشاغی

قیرمیزی چیچک لره آجیقلانان

گولوم

طالعیمیز

طالسیزیلیک دئییل

سئومک

ووروشدو

سئویلمک سه

سیلاح

بیزده مالاسف

سئویلمک عاشقیندان

سئومك گولله سى

يئديك.

(دوشرگه = اينترنت)

94

" آرزىلاريم "

آرزى لاريم, قارقالاردان كوينگيني

اودونج آتماق

هؤرومك فرش لرينده آدديم آتماق

قوردلارين گؤزون چالماق

ايت لرین بورون لارين

كسدانه آغاجيندا ياتماق

اورۇيم;

مارال چيرپينتيسى

بوقلاردان كئغلمك

بايقوشلارا يئم اولماق

آرزىلاريم.

95

"رسيم"

آغ حىياريم اوچ كيلو

پاپريس چئوبريرم

تيرينين ويستون چرچيل حؤكمو وار

اؤن يارقيدى نغسيم
اينسان ذاتا " فاشيست
سيزى چكىرم
نه دئيرسيز دئيين.

96

"آيريليق"

آيريليق

گونشين ياتماغى دئيلدى كى

اومودلو قلام

قوربتده دئيلدى

توی توتام ایچ گودو دئوریملریمه
اؤزومدن اؤزلویومه کؤچمک فیرتناسی ایدی
بوغولوردوم
دوداغیمداکی چاتلاقلاردان باشلاپیردی
جاداسی
اؤلومدن آچیلیردی
گؤز قاپیسی.

97

"آذر"

بو گئجه دیش فیرچاسین اونودمالیم
بو قیروو آنین بیرمی بئشی
آتابی ده دیشیمین دیبینه قالان قودوزلار
دیشیمین دیبینه چیخانلار

سيزين

بو گئجه خمير سيز ياتماليام

قويون قوخوسون آغزيم

آجيسين ديشيمين ديبيندن چيخانلار

يارام قورومايب

قوي چوروسون ديشلريم

پارمنتين اورَي بولانسين

آذر گلير.

98

"ديكتاتور"

بايقوشلار بيزه ديكته دئيرلر

كفن چپرئين آليندا

الف: گليين اويناياق

سيز اوتوزون

ب: برابر ياشاياق !

سيز اولون

بوردا سون درسى اؤيرنجى لر وئردى

مزارليغى گؤتوروب قاچدى

آرتيق ديكتاتورلار بير - بيرينه

ديكته دئيرلر .

99

"شيلتاق"

بير داربخمانين شيلتاق ليغيدى حياتيم

ندن بيزه قوناق گلمسين اولوم سفسطه لرى

گوله «دريا» دئين ايلك خالق بيز دئيليز!

100

"يارالى قلم"

قاندلى قلم لىر

اوچان دفتر لىر

دانشان پنجره لىر پوتوشكاسى

بۇيوك باھىمىن چانتاسىندان گىزلىجه گۇتوردويوم

عطىرلى ياشام سىلگى سى

حياتيمى سيلدى ساخلاماق

يارالى قلم لىر

قانادى باغلى كاغىزلار

سوسقون پنجره لىر

دانلاق تىيغه سى

گزىر اوزومو

چىمدىك فاجعه سىنده ياشايرام

الىمده كى نفس سىلگى سى

چىبدن جىبه گزىر ياشايشى

وارلىق پوزو

پىلته - پىلته

منلىيمده چىر كله نىر

گوزل لىك نه يه يارارمىش

نىغرتدن نه آلا بىلدىك كى؟

قلم - كاغىز - پنجره

پىادا باچىم!

101

"بئینیم اولوپ"

پیشیک لرین دیش لری چورودو

او میللته مووولدماق

نه دئمک دیر

بوپرون قلم

دفتر

ایسترسینیز آفریقالی سیچانین هئکلین دوغوم سیزه

اولماسا سیز بیر زواللی شاعیری حیرماقلاین

بیتیریم

یوخسا یوخسولوقدان بیر دار آغاجی اکین

تاماملاییم

آنجاق بو ایکی آیقلینی

اؤن یارقیا گوؤتورمه بین

قیمه -قیمه

دوغرانماغا

کله -مده بیر دوشگونلویه

یئر قالماییب

سوچ لاماین سوموک لری

اینسان اوغلو قوس -قوجا اویقارلیقدا

اوشویورو

سئوگییه بیر یئر قالماییب

قابیرقا آغیزیمدا جنت لردن ده قاچاجام

قارشیلیق سیز سئوگی تاپماق اوچون

یئنیدن یارانماق ایسته میرم

بئىنىم اۆلۈب

اورقان ۱لاريمى حئوانلارا داغىردىن

گۆزلىرىم تورپاق قوردلارنىن

بورنوم ايت ۱لرىن

دىرناق ۱لاريم پىشىك ۱لرىن

ساچ ۱لاريم

بۇيرك ۱لرىم دۆكتورلرىن .

102

" اولوم اولسون "

سنىلە يم

شارژىن ايتندە

پرىزلىرى آچ

جىب تئلفونونا

كنترول كوپە سىندىن آرا

اوزومسە

بیر ال ایکی آیاق اوچ فاز سیم لرینده

ناقیش گئدیرم

قارقا اول

سنی یوکسک الکتریسته تئلرینه گوٲوره بیلریم

چیراق قازلارینان

آداخلیام

آد

اخ

لی

یام.

103

"دیرناق"

"سنه ال لریم یئتیشسین دئییه دیرناق لاریمی اوزاتدیم"

دیرناق لاریمیزی اوزاتدیق

راحات اولالار.

104

"شعریمده کی شهر"

سہند

سویوق

چوخ سویوق

تانری خانیم من جنت ایستہ میرم

شعریمده قوردوغوم شہرہ گؤندر منی.

105

"قىسىر منلىك"

گىزلى ساخلاما ھىجىنى وار

گوى قورشىغىندا

يوخسا

اوپوروم احتىشامى اۆلدورمه ۋىندە

كاشكى محلله باققالى تك

سوژ ساخلايا بيلسه یدی سئو گيليم
 يا دونيا تک قلم چکه بيلسه یدی
 یوخسوللوغوما
 سولوخلاريم بورج آلدیغی
 اوپوجوک لریمی
 قايتارا بيلسه یدی
 اولومه اوپوشه بيلسه یدی بو قيسير
 منلیک له

106

"شاعیر یا یالتاق"

«خاکی»یه وورما

یا شاعیر سین

یا یالتاق

بو گئجه یازمالییم

پرستیژین اوزونه توپورمه لییم

قورخاقليغين جمده بينه.

107

"قوقو"

قو قو - قو قو

هر شئى قوشا - قوشا

سئو گيليم

بیرجه اولوم تكدی

بیر تکین اولومو

قو

قو

قو

108

"موتلولوق"

موتلولوق بعضن بير اوشاغى قارا پولونان آلداتماق

بعضن 18 تکر آلتينا گئتمک

بير پوک سيگار

بير مئتير کندير

بير بارداق زيندان

نەشە پولو

اويناشليق

جنت هاواسى

هر شئى

هئچ زاد

بىر سىنجاپ بادام آغزىندا

بىر آسلان سىچان آرزىسىندا

109

"اىستك لرىم"

اىستىره م بوتون دونيانىن آتلارىلا عكسىم اول

اىستىره م بوتون ايتلرله قوجاقلاشىب ياتام

داها دوغروسو اله بىيل اولمك گويلومه دوشوب

شىلتاقلىق ائدىره م

قوشلارىن حامبالى اولماق اىستىرم

نه دیر کی اینسان؟!

بیر بئین بویدا زئقیم پورتره سی

بورک بازین تکدی بئین

خوش اولسون دییه

آغ قره دونیانی بوپایلی گوستئریر

دادسیز شئیلر داد وئریر

خیال قورور

اوزو خوش اولسون دییه،

سنی جننه گوتورور

جهمنده یاندیریر

عشق پئشیننه دوشور

البئین و الله

من بئینمله ساوشیرام

آرتیق منی آزدیرا بیلمز

یادیمما "ایلهان" دوشور

"یوخوما گلنده باری باشی آچیق گل"

بیر آزدا تورکو گئتیر

هه آرزیلاریم بیتمه یه جک؛

یوخوسا بئینیم منی اولدوره ر

بوگون بئینمله ساواشمادیق

ال اله وئردیک

و بوتون ایزم و ایسملری سیلدیک.....

چوخ یونگولشدیم

آرتیق اوچماغین حامبالییام

110

"وارلیغین تورتالاری"

دالیرام بو پرستیژ دئیلن قجه شوونه

اولماق نه بین یانساماسی اولورسا اولسون

بئش لر دوغوو آلچاقلیغی

دؤردلر دلیک- دئشیک ووروشولاری

اوج لرغورر گوزگوم آشیر منلییمی

داش توتمورال لریم

مفته بوؤرورسن ائل لریمده

ناکام اولمه یجک دونیا

بو قیرمیزی ساختا کیملیک

دولچا باکیره قیز وطنیمین یولون کسه جک البت

اؤنومو کسن قیزیل گول لرین

بیچگین باخیشلاری کیمی

بوغو بورما اؤزومون یولون گؤزله بیرم

دووارلار قارشیندا قورولان

قوش قووانیما توخونا

توضیحاتدا اولان کیملییمی

کیملیکده اولان توضیحاتیمی

اودا چکه

گؤزله بیرم ایکی لر کیمی

بیری لر کیمی

کسینلیک له

بیز دوغوشو دوغاجاغیز

سورغولاریمیز آددیم آتاجاق

تورتالار قاینایمیز اولاجاق

قان قاغام قانینا بولاشاجاق

صیغیرلار کیمی

سیز لر کیمی

هئچ کیم لر کیمی.

111

"شاعیرلیم"

زیبل گؤزنده گورنجه آنام گوز یارپاقلارین

پاییز بیتیمیشدی شاعرلییمده

و گوزلریم آیرلییق سوپوروردو سینیق کؤروپولرین گؤز قاماشماسیندا

و دوادقلاریم وطن قوبه ین اوزان خیال آرزیسیندا ایترمک دئیدی

112

"شہید"

اوزومو حېبېمە قویموشدوم

آییلیب سن وئرن قیزیل گول لری

پارلاق قارا مزار داشینین اوستونه قویاندا

اوزومو گؤروب

سویا گئتدیم

آی شہید...

113

"اولوم اولسون"

اونو شوپه اويونوندا ايتيرمه ديم

گۆزلريمى بارماقلاريملا توتوب ساناندا

يوخ

من اونو ايچريمين قورخو دئولرينه

«پش مرگه» ائيله ديم

اؤلوم اولسون منه!

114

"داریخما"

داریخما

سن داریخاندا بوتون کوچه لږ داریخیر

کسیلمیش قولاق لارینی اورییوه آلما

« ساکین »

آداملار یامان یامانلاشیبلار ماشالله

« تشدید »

ائله بیل حقیقتی ائشیتمه یه ده سنین قولاغین اوزون گلیرمیش

«مَد»

قوخو آلمان هر یئردن خیانت اییی سی گلیر

ناموس قورتارماغا سَر سَم توتارسان ها

«همزه»

سئوگی تانریسی آنایمیش

آنالاریمیز سیزی دئیر لر

بیرده آت لاری

سن محبت تانریسی سان دئمک

محبت اولوم دئمکدیر بورالاردا

اوندان گئجه لر مهندس شهردارلاریمیز سیزی دادگاه سیز

گولله لییر لر

ونگیلتیندن یا هو آلیرام

ایت اولور شهریمیز

کوچه لر شهید اولور سنسیز

و من ولگرد اولورام بو خیالاردا.
